

C A N T I R E, E X C A M B D E N O.

Logh Fin.



Epidium.

Acus *Fin*, hunc cum suo tempore ad miraculum feracissimus, *Argatheliam* à promontorio disjungit, quod per triginta plus minus milliaria in conum se colligens ita aude Hiberniam versus se projicit, quasi Hiberniam, quæ angusto freto vix XIII milliarium dirimitur, ad se advocaret. Hoc EPIDIORVM promontorium nuncupat Ptolemæus, cui nomini cum EBVDIS insulis quæ obiacent aliqua intercedit, ut mihi videtur, affinitas. Hodie lingua Hiberni-

ca, quæ toto hoc tractu in usu est, *Cantyre*, id est *Caput terra* appellatur. Incolitur vero à familia *Mac-Conell*, quæ hic dominatur ad nutum tamen Comitum Argatheliæ, & subinde prædabunda in Hiberniam suis mioparonibus excurrit; provinciolasque illas quas *Glines & Rowte* vocant, occupavit. Aded tenui cervice vix mill. pass. eoque arenoso hoc promontorium *Knapdalia* adhæret, ut nautæ compendio per eam naviculas traducant. Quod facilius credas quam Argonautas suam Argum humeris impositam per quingenta mill. passuum pertraxisse.

